

說文解字

徐氏繫傳

四十卷

卷緒一第八月

于江吳氏重彫

重刊景宋本說文繫傳敘

賜進士出身中憲大夫翰林院侍講學士提督廣東倉省學政吳寶恕誤

東漢南閣祭酒許君慎作說文解

字推究六書之指由形聲以達訓

詁表微扶逸正俗匡謬俾同官保

氏六書之學後世猶符通知其意

存古之功為大子冲表上時朝廷

雖甚尊顯其書而未立學官魏晉  
以來士大夫猶以信守然蘭牘盛  
而篆籀亡俗說滋而大義晦亡方  
之士惟江式顏之推篤好其書么弦  
徒歌獨倡無和李唐曹監別立書  
學用說文文字林分年誦習許書宜  
大昌矣稽攷專門乃乏其選李陽

冰藝術小才逞其私臆曲相排斥  
而許書乃益淆亂不可理毋亦耳  
目部于所習與徐鼎臣楚金兄弟  
生五代之季研覃訓故知六書之學  
以說文為主臬階誤討論各有成  
書許書之遺紉曠邈將千年者至  
徐氏弟兄而一續鼎臣之致力在是

正文字楚金繫傳則于許義發明  
最多別為部以祛妄類聚錯綜疑  
義系述各篇以顯一家之學而許氏  
之書淆亂于陽冰者摧陷廓清比  
于武事蓋自有許書以來多儕之  
字學其尊信同于經典則自楚金  
始也其後導翼楚金之學者宋元

兩朝皆有其人然所得至眇小故楚  
金書漸就湮佚有明一代士不師古  
蔑裂衡決即許書已墮雲霧榛蕪  
中安論楚金之書顧氏亭林雅材  
好博奮立末季而以李燾韻譜當  
許書并未睹始一終矣之次亦可  
悵矣

聖清龍興儒學

吳氏鼎臣之書最

早出楚金之書則

山夫始傳之

繼此治許書者南則惠氏錢氏江氏

段氏嚴氏鈕氏北則桂氏苗氏王氏此

外兼治者又數十家蓋文字聲音訓

詁之學至我

朝為極盛師法所開許君存古之功

也而左右許書俾不致遂墜于地者  
鼎臣固當之而楚金之有功于許書  
為尤巨焉昔朱笥河學士提學安  
徽校刻鼎臣書東南之士興于文  
雅而楚金書尚無善本道光中葉  
祁文端公提學江蘇乃據顧氏千  
里寫本及宋刻殘本校刊之多正

汪本馬本之誤李申耆先生高弟  
子承君培元等別為校議既博且  
精求楚金書者益莫善于此矣  
燹之後板已燬佚流布頗稀寶恕  
末學擣昧于北平壽陽無能為  
役乙亥奉

命視學粵東時與諸生研究小

學見坊肆許書少佳本楚金書尤  
不絕若綫亟欲刊布以廣流傳家  
弟韶生司訓金陵官齋清暇料  
量文字取景宋本重付剞劂書  
來徵序與余亟欲刊布之意數千  
里外若相昨人氏論二千年來許  
書興廢之迹以著楚金表章之功

俾後之人知所誦法若鼎臣楚金之  
得天及楚金之于許君離合異同  
之故則治楚金書者類能說之

光緒三年太歲在丁丑六月敘于

粵東使署

重刊影宋本說文繫傳敘

章三

賜進士出身資政大夫戶部侍郎南書房翰林提督汪蘇金省學政祁寓藻撰

六書之教當扞自倉頡至周禮而始  
著學者以文字聲音求訓詁以訓詁  
通義理未有不由此者也周之時文  
化聿昭彬彬郁郁開治平者數十世  
遭秦滅學六書大指得不盡泯賴許

君叔重網羅綜理成說文解字垂于  
後世徐鼎臣楚金兄弟校訂表彰為  
許功臣而小徐之繫傳校大徐發明  
尤多我

國家昌明儒術同文之盛遠邁前代  
士子知從聲音文字訓詁以講求義  
理說文之書幾于家置一編然多大

徐本也小徐繫傳唯歛汪氏刺有大  
字本石門馬氏刺有袖珍本譌脫錯  
亂厥失維均閱者苦之竊藻讀段君  
懋堂說文注知吳中顧千里黃堯圃  
兩家藏有舊鈔本讐校精詳久懸胸  
臆河間苗仙麓夔篤志許學研究繫  
傳亦傾慕此本歲丁酉竊藻奉

命視學江蘇約仙麓同行初以老憚  
無遠涉既今更可因是得見欣

然命駕九月抵署謁暨陽院長李申

耆先生首訪是書先生于顧舊同學

也卽寓書其孫瑞清假之取以校汪

馬之本則正文注文顧本徃徃字數

增多而木部心部竟增多篆文數十

且有繫部汪馬本脫去部首字爾  
肩歆次元龜象等部汪馬本通部俱  
脫而顧本全者先生又為訪求汪氏  
士鐘所藏宋刻本汪氏僅齋示弟四  
函三十二卷至四十卷餘云無有以  
宋刻本校鈔本大略相符知顧氏本  
實為影宋足本竊藻旣欣得此書欲